



Inatsisartunut ilaasortaq Aleqa Hammond, Siumut

Akissut §36 nr. 2010-171, DK

24. september 2010
Suliap norm. 2010-038489
All. Nr. 465901

Inatsisartut suleriaasianni § 36 imm.1 naapertorlugu, Naalakkersuisut Kujataanit savaaqqat neqaannik naatitanillu pilersuineramik annertusiliinermut piviusunngortitsinissamik aningaasalersueriaaseq qanoq ittoq atomiarneraat pillugu apeqquteqaatinnik saqqummiussisimavutit? Apeqquteqaat uanga akissussaaffeqarfinnut akisussanngorlugu innersuutigineqarsimavoq.

Postboks 269
3900 Nuuk
Oqa. (+299) 34 50 00
All. (+299) 32 47 04
E-mail: apnn@nanoq.gl
www.nanoq.gl

Makkununga tulleriinnut apeqquteqaateqarputit:

**Naalakkersuisut nuna tamakkerlugu savaaqqat neqaannik naatitanillu pilersuiner-
mut Kujataata immikkoortortaanissaa arlaleriarlutik nalunaarutigaat. Tamannalu
piviusunngortinniarlugu aningaasalersueriaaseq qanoq ittoq atomiarneqarnerisooq
apeqqutigissallugu kissaatigaara?**

Apeqqummut akissut:

Illumoorpoq Naalakkersuisut naalakkersuisoqatigiinnissamut isumaqatigiissutaat inuus-
sutissanik imminut pilersorneqarnerup annertusarneqarnissaanik ilaqortoq. Imminut pi-
lersorneqarnermik annertussusiliineq Kujataani nunalerinermik inuussutissarsiornermit,
aammattaarli aalisarnikkut piniarnikkullu inuussutissarsiorfinniittaaq
pissarsiarineqassaaq.

Savaaqqat neqaannik naatitanillu nioqqutissiornerup annertusineqarnera ilaatigut
aningaasaliissutit atuutereersut aqqutigalugit, ilaatigullu siunissaq isigalugu
inuussutissarsiummi ilusilersuinerup naleqqussarneqarnera peqatigalugu aningaasat
siunertamut atugassanngortinneqartut aqqutigalugit aningaasalersorneqassaaq.

Ullumikkut aningaasaqarnermut inatsimmi arlalinnik pingaarnernik kontoqareerpoq
inuussutissarsiuutit ineriartortinnissaanut ingerlanneqarnissaanullu, taassumalu ataani
savaaqqat neqaannik naatitanillu nioqqutissiornerup annertusarnissaanut
aningaasaliissutissatut siunertarineqartunik. 2009-mi inatsisartut ukiakkut
ataatsimiinneranni akuerineqartut kontut taakku pingaarnernit ilaanni ilaatigut
aningaasaliissutit nunalerinikkut inuussutissarsiummik siuarsaanissaq pillugu inatsisartut
inatsisaannit aqunneqartut nassaassaapput. Inuussutissarsiummik siuarsaanissamik
aaqqissuussinermut siunertaasoq tassa ilaatigut Kalaallit Nunaata imminut
pilersornissaanut ilanngussinissaq, nunalerinermillu inuussutissarsiummik
unammilluarsinnaasumik sunniuteqarluartumik siuarsaanissaq. Aaqqissuussineq
nunalerinermik inuussutissarsiuutit iluani siammassissumik inuutissarsiummik
siuarsaanissamut taarsigassarsiinnissamut aammalu tapiissusiinissamut periarfissiivoq,
inuussutissarsiuutit siuarsarnissaanut aaqqissuussinermi periarfissaasut arlallit

eqqaaneqarsinnaapput, assersuutigalugu naggorissaanerit, issumik pitsanngorsaannermut suliat, inuussutissarsiummullu illorsuarnik sanaartorerit. Inuussutissarsiummik siuarsaanissanut taarsigassarsititsinerit inuussutissarsiorfimmuut pitsaanerusunik taarsigassarsinissamut namminersortut taarsigassarsiisarfiinnit angusinnaasanit pitsaanerusunik periarfissiipput.

Neqi A/S-imik ukiunut arlalinnut kiffartuussinissamut isumaqatigiissuteqartoqarpoq, taamaasilluni aningaassaliissutissat piomasagaatillu isumannaarneqarput, tassa 2011-mi toqoraaviup toqoraanerup naammassinnginnerani iluarsaassinissat/nutarerinerillu pisariaqartinneqartut ingerlanneqassasut pillugu, kiffartuussinissamut isumaqatigiissummi nersutit nakorsaannut tunngasutigut piomasagaatit naammassisaqarluarnissamullu piomasagaatit naammassiniarlugit. Aammattaaq isumaqatigiissummut siunertaasoq tassa siunissaq isigalugu nunalerisut savaniit savaaqaniillu uumasunik allanik tunisisarnissaminnut periarfissinnissaannut suliniuteqassalluni.

Inuussutissarsiortut kattuffii oqaloqatigalugit inuussutissarsiutip siunissami ilusissaanik takussutissamut suliamik aallartitsisoqalerpoq. Inuussutissarsiutip aningaasaqarneranik pitsanngorsaaniisaq anguniagaavoq, taamaasilluni siunissaq isigalugu aningaasanik amerlanerusunik siunissami inuussutissarsiutip ineriartortinnissaanut tapertaasussatut atorneqarsinnaasunik pilersitsisoqassasoq.

Naatitanik nioqqutissiornermik annertusaanissamut aningaasaliissutinik immikkut ittunik immikkoortitsisoqarsimangilaq, taamaallaat inuussutissarsiummik siuarsaanissamut aqqjissuussineq aqcutigalugu aningaasaliissutit immikkoortinneqarsimallutik. Naatitanik nioqqutissiornermik annertusaaneq tassaavoq pilersaarut sivisuumik ingerlatassaq, nunalerinermik inuussutissarsiut pillugu siunissami ilusissaanik eqqarsaasersornemut atatillugu isigineqartussa. Naatitanik naatitsisarneq annertunerusumik savaateqarnermut tapertaasutut ingerlanneqassava, imaluunniit naatitanik naatitsisarneq annertuninngorlugu immikkut assigiinngitsunik naatitsivinngorlugu katersorlugu, taamaasilluni naatitanik nioqqutissiorneq pillugu annertunerusumik ilisimasanik toqqorterisoqarsinnaalluni. Apeqqutaapput naatitanik naatitsisarnerup annertusannginnerani isumannaagassat.

Ukiuni makkunani Upernaviarsummi naatitanik assigiinngitsunik immikkoortitaartunik misiligaasoqarpoq, taamaasillutik naatitsisartut naatitassanik assigiinngitsunik kujataata silaannaani naalluarsinnaanerusunik immikkoortitsisinnaalerlutik. Aammattaaq illorsuit atortorissaarutillu misiligassallugit pingaaruteqarpoq, assersuutigalugu naatitsiviit, inuussutissarsiorfiup iluani atortorissaarutininik pisariaqartitanik annertuumik pisiortunnginnerani kujataata silaannaani naalluarsinnaanerininik paasinninnissaq isumannaassallugu.

Inussiarnersumik inuulluaqqusillunga
Med venlig hilsen

Ane Hansen